



## JADUAL PEMBACAAN KHUTBAH JUMAAT SIRI 6/ 2022 (Bulan Jun Tahun 2022)

Tarikh	Tajuk	Bil
3.6.2022M/ 4 Zulkaedah 1443H	CINTA, KASIH DAN SAYANG	1.
10.6.2022M/ 11 Zulkaedah 1443H	MENCARI BAHAGIA YANG HAKIKI	2.
17.6.2022M/ 17 Zulkaedah 1443H	NILAI KEMANUSIAAN DAN RAHMATAN LILALAMIN	3.
24.6.2022M/ 26 Zulkaedah 1443H	HAYATI KEIMANAN KEPADA RASULULLAH SAW	4.
	Khutbah Kedua	

Percetakan Dibiayai:



زکاۃ ڦولو و ڦینغ

No. Telefon: 04-5498088



خطبة جون جون ٢٠٢٢

***Jawatankuasa Panel Semakan Teks Khutbah  
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor  
(Pengerusi)**  
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**  
Pensyarah, Pusat Pengajian Ilmu Kemanusiaan,  
Universiti Sains Malaysia
- 3. Ustaz Rosli bin Othman**  
Ketua Sektor Pendidikan Islam,  
Jabatan Pendidikan Negeri Pulau Pinang
- 4. Ustaz Ahmad bin Hashim**  
Ketua Pusat Pengajian Tahfiz Al-Quran,  
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**  
Penyelaras Program Intervensi Kaunseling,  
Universiti Sains Malaysia
- 6. Ustaz Mohd Salmi bin Shaimi**  
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**  
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab  
(Setiausaha)**  
Ketua Penolong Pengarah, Bahagian Dakwah  
Jabatan Hal Ehwal Agama Islam Pulau Pinang (JHEAIPP)





## NILAI KEMANUSIAAN DAN RAHMATAN LIL'ALAMIN

(Khutbah Khas Sempena Hari Pelarian Sedunia 20 Jun 2022)

(17 Jun 2022M / 17 Zulkaedah 1443H)

الْحَمْدُ لِلَّهِ الْقَائلُ: يَا أَيُّهَا النَّاسُ إِنَّا خَلَقْنَاكُم مِّنْ ذَكَرٍ وَأُنْثَى وَجَعَلْنَاكُمْ شُعُوبًا  
وَقَبَائِلَ لِتَعَاوَرُوا إِنَّ أَكْرَمَكُمْ عِنْدَ اللَّهِ أَتُقْسِمُكُمْ إِنَّ اللَّهَ عَلِيمٌ حَبِيرٌ<sup>١٣</sup>

وَأَشْهُدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ الْكَبِيرُ الْمُتَعَالُ، وَأَشْهُدُ أَنَّ سَيِّدَنَا  
وَنَبِيَّنَا مُحَمَّداً عَبْدَهُ وَرَسُولَهُ، جَبَلَهُ رَبُّهُ عَلَى جَمِيلِ الْفِعالِ، وَكَرِيمِ الْخِصالِ.

صَلَّى اللَّهُ عَلَى سَيِّدِنَا مُحَمَّدٍ وَعَلَى أَهِ وَصَاحِبِهِ حَيْرٍ صَحْبٍ وَآلٍ، وَالْتَّابِعِينَ وَمَنْ  
تَبَعَهُمْ بِإِحْسَانٍ إِلَى يَوْمِ الْمَآلِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أُووصِيُّكُمْ وَإِيَّاهُ يُتَقْوَى اللَّهُ، فَقَدْ فَازَ الْمُتَّقُونَ.

### SIDANG JUMAAT YANG DIRAHMATI ALLAH SEKELIAN,

Saya berpesan kepada diri saya dan menyeru sidang jumaat yang dikasihi sekelian, marilah kita meningkatkan ketaqwaan ke hadrat Allah سُبْحَانَهُ وَتَعَالَى dengan mentaati segala perintahnya dan menjauhi segala larangannya. Mudah-mudahan kita tergolong sebagai hamba Allah yang terbaik serta beroleh kejayaan di dunia dan di akhirat.

Sebelum melanjutkan bicara, marilah kita berikan sepenuh tumpuan kepada isi kandungan khutbah hari ini. Sedarlah bahwasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjelaskan kesempurnaan meraih ganjaran pahala.



## **SIDANG JUMAAT YANG DIMULIAKAN,**

Perlindungan keselamatan manusia merupakan satu keperluan asas dalam syariat Islam, ini termasuklah memberi perlindungan kepada orang-orang yang berhijrah, lebih-lebih lagi kepada golongan pelarian yang menghadapi ancaman keselamatan diri dan nyawa akibat daripada konflik di negara asal mereka. Maka mimbar hari ini akan membicarakan khutbah yang bertajuk **“NILAI KEMANUSIAAN DAN RAHMATAN LIL ALAMIN”**

## **SIDANG JUMAAT YANG DIRAHMATI ALLAH,**

Krisis kemanusiaan yang melanda dunia pada zaman ini dilihat semakin serius. Negara-negara yang bergolak khususnya, berpotensi mencetuskan keganasan yang boleh menjaskannya nilai-nilai kemanusiaan akibat daripada perperangan, rampasan kuasa, penindasan atau penghapusan agama dan etnik. Ini menyebabkan mangsa yang terperangkap dalam konflik tersebut melarikan diri dari negara asalnya untuk mencari suaka atau perlindungan di negara lain.

Islam mengajar kita untuk membantu semua golongan tanpa mengira apa jua agama, keadaan dan status. Firman Allah dalam surah al-Hasyr, ayat 9 yang berkait dengan peristiwa hijrah kaum Muhajirin dan Ansar yang diketuai Nabi Muhammad ﷺ menitikberatkan kewajiban tersebut:

وَالَّذِينَ تَبَوَّءُو الدَّارَ وَأَلْيَمَنَ مِنْ قَبْلِهِمْ يُحِبُّونَ مَنْ هَاجَرَ إِلَيْهِمْ وَلَا يَجِدُونَ فِي  
صُدُورِهِمْ حَاجَةً مِّمَّا أُوتُوا وَيُؤْتِرُونَ عَلَىٰ أَنفُسِهِمْ وَلَوْ كَانَ بِهِمْ خَصَاصَةٌ وَمَنْ يُوقَ شَحَّ  
نَفْسِهِ فَأُولَئِكَ هُمُ الْمُفْلِحُونَ ①

Bermaksud: “Dan orang-orang Ansar yang mendiami negeri (Madinah) serta beriman sebelum mereka, mengasihi orang-orang yang berhijrah (Muhajirin) ke negeri mereka, dan tidak ada pula dalam hati mereka perasaan berhajatkan apa yang telah diberi kepada orang-orang yang berhijrah itu dan mereka juga mengutamakan orang-orang yang berhijrah itu lebih daripada diri mereka sendiri sekalipun mereka dalam kedaan kekurangan dan amat berhajat dan



ingatlah, sesiapa yang menjaga serta memelihara dirinya daripada dipengaruhi oleh tabiat bakhilnya, maka mereka lah orang-orang yang berjaya.”

Ayat ini menggambarkan sifat baik golongan di Madinah terhadap orang-orang yang berhirah ke negeri mereka, dengan mengutamakan saudara mereka daripada golongan Muhajirin lebih daripada diri mereka sendiri dengan memberikan bantuan tanpa sebarang hajat dan muslihat. Oleh itu, sesiapa yang datang ke sesebuah tempat atas tujuan untuk mendapatkan perlindungan, maka hendaklah kita berbuat baik serta memberikan perlindungan kepada mereka.

## **HADIRIN YANG DIRAHMATI ALLAH**

Krisis pelarian merupakan isu antarabangsa yang sentiasa berlaku di negara-negara yang sedang menghadapi perperangan dan lain-lain konflik dalaman. Rakyat dari negara-negara tersebut terpaksa berpindah akibat terdedah daripada ancaman keselamatan di negara asalnya. Contohnya perperangan dan konflik di Palestin, Syria yang tiada hentinya. Negara lain termasuklah di Afghanistan, Yaman, Myanmar telah menyaksikan rakyat beramai-ramai meninggalkan negara asal untuk mendapatkan perlindungan dari negara lain.

Malaysia turut mendapat tempias akibat konflik yang berlaku di negara lain sehingga menyebabkan rakyat asing melarikan diri ke negara ini untuk menyelamatkan diri dan mendapatkan perlindungan. Berdasarkan statistik yang dikeluarkan oleh Suruhanjaya Tinggi Bangsa-bangsa Bersatu mengenai pelarian (UNHCR), seramai 180,440 pelarian dan pencari suaka (perlindungan) berada di Malaysia sehingga 31 Disember 2021. Mereka terdiri dari pelbagai etnik dan warganegara antaranya warga Myanmar, Pakistan, Somalia, Syria, Palestin dan lain-lain. Dari jumlah tersebut, 46,170 orang merupakan kanak-kanak yang berusia bawah 18 tahun.

Hak asasi manusia golongan pencari suaka dan pelarian terancam. Bukan sahaja keselamatan diri mereka terkesan, bahkan mereka menghadapi risiko didiskriminasi dan menjadi mangsa eksploitasi dan pemerdagangan manusia.



Oleh itu, hak mereka perlu dilindungi bagi menjamin keselamatan dan kelangsungan hidup yang sewajarnya. Antaranya, hak untuk mendapatkan perlindungan suaka, hak untuk tidak dihantar pulang ke negara asal apabila terdapat ancaman kepada keselamatan dan nyawa mereka, hak untuk tidak didiskriminasi serta hak kepada pendidikan khususnya kanak-kanak pelarian.

### SIDANG JUMAAT YANG DIRAHMATI ALLAH,

Dari perspektif Islam, kita dituntut untuk memberi perlindungan kepada semua kaum tanpa mengira apa jua agama mereka. Perkara ini telah dibuktikan melalui Piagam Madinah yang dibina oleh Nabi Muhammad ﷺ. Piagam ini menggariskan jaminan keselamatan kepada semua penduduk Madinah termasuklah orang Yahudi selagi mana mereka taat kepada perjanjian piagam tersebut. Ini menunjukkan bahawa hak orang bukan Islam turut dilindungi. Firman Allah di dalam surah At-Taubah, ayat 6 yang bermaksud:

“Dan jika seorang di antara orang-orang musyrikin itu meminta perlindungan kepadamu, maka lindungilah dia supaya dia sempat mendengar firman Allah, kemudian hantarkanlah ia ke tempat yang aman baginya. Demikian itu disebabkan mereka kaum yang tidak mengetahui.”

### SIDANG JUMAAT YANG DIRAHMATI ALLAH,

Sempena Hari Pelarian Sedunia, khatib mengambil kesempatan untuk berpesan supaya kita memainkan peranan masing-masing bagi meringankan bebanan yang dihadapi oleh pelarian. Ini kerana Islam mengajar kita untuk berkasih sayang dan memberi perlindungan kepada manusia termasuklah mereka yang berhijrah. Sesungguhnya, ia merupakan sifat orang yang beriman, sepetimana firman Allah dalam surah Al-Anfal, ayat 74:

وَالَّذِينَ عَامَنُوا وَهَا جَرُوا وَجَاهُدُوا فِي سَبِيلِ اللَّهِ وَالَّذِينَ عَاَوُوا وَنَصَرُوا أُولَئِكَ هُمُ الْمُؤْمِنُونَ حَقًّا لَهُمْ مَغْفِرَةٌ وَرِزْقٌ كَرِيمٌ ﴿٧٤﴾



Bermaksud: "Dan orang-orang yang beriman dan berhijrah serta berjihad pada jalan Allah, dan orang-orang yang memberi tempat kediaman dan memberi pertolongan, mereka itulah orang-orang yang benar-benar beriman. Mereka memperoleh keampunan dan rezeki (nikmat) yang mulia."

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَأَيَّا كُمْ بِمَا أُنْزِلَ عَلَى سَيِّدِ الْثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِيْنَ، وَلِسَائِرِ الْمُسْلِمِيْنَ وَالْمُؤْمِنِيْنَ، الْأَحْيَاءِ مِنْهُمْ وَالْمَيِّتِيْنَ، فَاسْتَغْفِرُوهُ يَا فَوْزَ الْمُسْتَغْفِرِيْنَ، وَأَنْتَ أَرْحَمُ الرَّاحِمِيْنَ.





# خطبة كدوا بولن جون

2022M/ 1443H

الحمدُ لِلَّهِ عَلَى الْإِلَهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،  
وَأَشْهُدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيْمًا لِشَائِنِهِ، وَأَشْهُدُ أَنَّ مُحَمَّدًا  
عَبْدُهُ وَرَسُولُهُ دَاعِيًّا إِلَى رِضْوَانِهِ.  
صَلَّى اللَّهُ وَسَلَّمَ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضا نَفْسِهِ،  
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبِّكُمْ حَقَّ تُقَاتِهِ، وَاعْمَلُوا بِطَاعَتِهِ  
وَمَرْضَاتِهِ، ثُمَّ اعْلَمُوا أَنَّ اللَّهَ سُبْحَانَهُ وَتَعَالَى أَمْرَكُمْ بِأَمْرٍ بَدَأَ فِيهِ بِنَفْسِهِ؛ فَقَالَ -  
عَلَيْمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى الْتَّيِّنِ يَتَّبِعُهَا الْذِينَ ءَامَنُوا صَلَوْا عَلَيْهِ وَسَلِّمُوا تَسْلِيمًا ⑤  
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدِ نَبِيِّ النَّذِيرِ، وَالسَّرَّاجِ الْمُنِيرِ،  
وَارْضِ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ  
إِلَى يَوْمِ الدِّينِ، وَعَنَّا مَعْهُمْ بِعَفْوِكَ وَكَرْمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ  
وَالْأَمْوَاتِ،

اللَّهُمَّ آمِنَا فِي أَوْطَانِنَا، وَأَصْلِحْ وَاحْفَظْ أَئِمَّتَنَا وَعُلَمَاءَنَا وَوُزَراءَنَا وَوُلَادَةَ أُمُورِنَا.

اللَّهُمَّ وَفُقِهْمُ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ  
صَالِحِينَ مُصْلِحِينَ وَأَشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong,



Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبُ الْفَخَامَةُ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

### **Sidang Jemaah Yang Dirahmati Allah,**

Khatib juga mengambil kesempatan ini untuk memaklumkan berkenaan Penyakit Tangan, Kaki dan Mulut atau lebih dikenali sebagai *HFMD (Hand, Foot and Mouth Disease)*. Sehingga 28 Mei 2022, jumlah kumulatif kes HFMD yang dilaporkan di Negeri Pulau Pinang adalah sebanyak 3,012 kes berbanding dengan hanya 144 kes pada tempoh yang sama tahun 2021, peningkatan sebanyak 20 kali ganda. Sehingga tempoh yang sama, sebanyak 102 wabak HFMD telah dilaporkan dengan 2,744 kes bersamaan 91.1% adalah dalam kalangan kanak-kanak berumur di bawah 6 tahun.

Memandangkan tiada rawatan khusus bagi penyakit ini, khatib ingin menyeru para jemaah sekalian agar mengambil langkah pencegahan seperti sentiasa membasuh tangan dengan sabun dan air bersih, mengamalkan etika batuk (tutup mulut dan hidung semasa batuk dan bersin) serta elakkan dari berkongsi barang peribadi. Kita juga perlu memastikan persekitaran rumah, pusat penjagaan kanak-kanak, sekolah dan taman permainan kekal bersih. Sekiranya ada tanda jangkitan pada kanak-kanak, segera dapatkan rawatan di premis kesihatan yang terdekat. Sesungguhnya, **mencegah lebih baik dari merawat**. Semoga usaha ini menjadi asbab agar Allah سُبْحَانَهُ وَتَعَالَى melindungi kita dari jangkitan wabak selain terus melazimi doa:

اللَّهُمَّ إِنَا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.



اللَّهُمَّ ادْفِعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالْزُّنَادِقَ وَالْمِحْنَ وَسُوءَ  
الْفِتْنَ مَا ظَهَرَ مِنْهَا وَمَا بَطَنَ عَنْ بَلْدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ  
عَامَّةً يَا رَبَّ الْعَالَمِينَ.

*Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.*

*Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.*

*Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.*

رَبَّنَا آتَنَا فِي الدُّنْيَا حَسَنَةً وَفِي الْآخِرَةِ حَسَنَةً وَقَنَا عَذَابَ النَّارِ.  
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَا عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٦﴾  
فَادْكُرُوا اللَّهَ الْجَلِيلَ يَدْكُرُكُمْ، وَاسْكُرُوهُ عَلَى نِعْمَهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ  
يَعْلَمُ مَا تَصْنَعُونَ ﴿٤﴾

